



## BACHELORSTUDIUM I BILDEKUNST OPPTAK TIL STUDIEÅRET 2019/2020

### OBLIGATORISK SØKNADSVEDLEGG

Søknadsfrist: 1. april 2019

Fyll ut elektronisk, lagre det (som «BFK2019-soknadsvedlegg.pdf») og last det opp i SøknadsWeb:  
<https://fsweb.no/soknadsweb/login.jsf?inst=khio>

Ver vennleg og les søknadsretteleinga på side 1–3 grundig før du fyller ut dette søknadsvedlegget.

#### Personopplysningar

|           |                         |                       |
|-----------|-------------------------|-----------------------|
| Etternamn | Fornamn (og mellomnamn) | 6-sifra søkjarnummer* |
|-----------|-------------------------|-----------------------|

\*Søkjarnummer finn du i e-postkvitteringa du mottek etter å ha registrert deg på SøknadsWeb

#### Norskkunnskapar (sjå rettleiing på side 2)

|                                                                                                                                    |          |      |
|------------------------------------------------------------------------------------------------------------------------------------|----------|------|
| Test/utdanning/kurs                                                                                                                | Resultat | Dato |
| Deltok du på norskurs for tida, eller kan du dokumentere norskkompetanse på annan måte? (Ver vennleg og gi utfyllande informasjon) |          |      |

#### Engelskkunnskapar (sjå rettleiing på side 2)

|                                                                                                                                        |          |      |
|----------------------------------------------------------------------------------------------------------------------------------------|----------|------|
| Test/utdanning/kurs                                                                                                                    | Resultat | Dato |
| Deltok du på engelskurs for tida, eller kan du dokumentere engelskkompetanse på annan måte? (Ver vennleg og gi utfyllande informasjon) |          |      |

#### Generell studiekompetanse (GSK, sjå detaljar i søkjarretteleinga) – set kryss

|                                             |                                         |                             |
|---------------------------------------------|-----------------------------------------|-----------------------------|
| Eg har GSK og har lasta opp skanna vitnemål | Eg har ikkje GSK, men vil søkje likevel | Eg oppnår GSK i søknadsåret |
|---------------------------------------------|-----------------------------------------|-----------------------------|



## SØKNADSRETTLEIING

For å søkje på studiet må du registrere deg på nettportalen SøknadsWeb:  
<http://khio.no/intranett/for-studenter/studieinformasjon/veiledning-til-soknadsweb>

### Opptakskrav

Opptak skjer på grunnlag av beståtte opptaksprøvar og generell studiekompetanse (GSK). Det kan gjerast unntak frå krav om generell studiekompetanse for søkjarar som dokumenterer spesielle faglege kvalifikasjonar gjennom opptaksprøven. Det er ein føresetnad at søkjaren meistrar både norsk og engelsk på lik linje med søkjarar som har GSK.

Ved opptaksprøven blir det lagt vekt på:

- motivasjon
- kor eigna du er for studiet
- utviklingspotensial
- tidlegare relevant erfaring

### Dokumentopplasting

For at søknaden skal vere fullstendig, blir det kravd at du lastar opp eit sett med dokument. Last dei opp under *Mine dokument* i SøknadsWeb. Den totale filstørrelsen kan ikkje vere over 100 MB.

### Generell studiekompetanse (GSK)

For å bli teken opp til studiet må du ha generell studiekompetanse. Generell studiekompetanse (GSK) skal dokumenterast med eit skanna papirvitnemål frå vidaregåande utdanning (pdf). Kompetansebevis og utskrift frå eksamensprotokoll er ikkje gyldig dokumentasjon på generell studiekompetanse. Last opp pdf-dokumentet i SøknadsWeb under *Mine dokument*. Gi fila namnet «Vitnemål-GSK.pdf» (max. 5 MB).

Søkjarar som avsluttar 3-årig vidaregåande utdanning i 2019, må ettersende skanna vitnemål innan 1. juli. Send vitnemålet til [postmottak@khio.no](mailto:postmottak@khio.no).

Etter Kunsthøgskolens forskrift kan det gjerast unntak frå krav om generell studiekompetanse for søkjarar som dokumenterer spesielle faglege kvalifikasjonar gjennom opptaksprøven.

### Norskkunnskapar

Undervisninga føregår på både norsk og engelsk. Søkjarar som dokumenterer utdanningsbakgrunn (bachelorgrad, vidaregåande skule eller grunnskule) frå nordiske land, treng ikkje leggje fram ytterlegare dokumentasjon på norsk språkkompetanse.

Søkjarar med utdanningsbakgrunn utanfor Norden må dokumentere at dei meistrar norsk. Språkkunnskapar i norsk kan dokumenterast med Bergenstesten, <https://www.folkeuniversitetet.no/Artikler/Spraaktester/Test-i-norsk-hoeyere-nivaa-Bergenstesten>, eller med norsk for utlendingar frå universiteta. Gi fila namnet «Norsk.pdf» (max. 5 MB).

Det er òg mogleg å dokumentere norskkompetanse på annan måte enn det som er nemnt over:

- eksamen frå trinn 3 i norsk for utanlandske studentar ved universiteta
- fullført og bestått studium i høgare utdanning på minst 60 studiepoeng i norsk språk og samfunnskunnskap for utanlandske studentar.
- Du dekkjer også kravet i norsk viss du har gått alle åra i norskspråkleg 9-årig eller 10-årig grunnskule.



## Engelskkunnskapar

Det er ein føresetnad at søkjarar meistarar engelsk. Søkjarar som dokumenterer utdanningsbakgrunn frå nordiske land eller frå engelskspråklege land, treng ikkje legge fram ytterlegare dokumentasjon på engelsk språkkompetanse.

Engelskkunnskapar skal dokumenterast gjennom IELTS-testen, <http://www.ielts.org/> (minimum 5,0 poeng eller betre), eller TOEFL-testen, <http://www.ets.org/toefl> (minimum 500 poeng på papirbasert test, 170 poeng på databasert test, 60 poeng på internettbasert test). Gi fila namnet «Engelsk.pdf» (max. 5 MB).

Det er òg mogleg å dokumentere engelskkunnskapar på annan måte enn det som er nemnt over:

- fullført universitetsgrad i faget engelsk språk eller engelsk litteratur, der faget engelsk utgjer hovuddelen av studiet
- fullført eitt års universitetsstudium i Australia, Canada, Irland, New Zealand, Storbritannia eller USA med engelsk som undervisningsspråk
- fullført ein engelskspråkleg mastergrad

## CV

Tidlegare gjennomført utdanning og relevant erfaring. Gi fila namnet «CV.pdf» (max. 5 MB).

## Portrettbilde

Eit nyare bilde av deg. Gi fila namnet «Portrett.pdf» (max. 5 MB).

## Motivasjonsbrev

Du må laste opp eit motivasjonsbrev på maks 1 A4-side der du svarer på følgjande spørsmål:

1. Forklar kort din arbeidsmetode og/eller -prosess.
2. Beskriv kort eitt av verka du søker med, og kva du har oppnådd, eller kva du ønskjer å oppnå med det.
3. Kontekstualiser praksisen din. Kva for referansar vil du framheve som viktige for den kunstnariske praksisen din (kunstverk, kva for person, tekst eller situasjon)? Forklar kvifor.

Gi fila namnet «Etternamn\_Fornamn\_Motivasjonsbrev.pdf» (max. 5 MB).

## Portefølje

**Porteføljen skal sendast inn som eitt dokument (PDF) på maksimalt 10 sider (max. 15 MB). Følgjande informasjon må inkludrast for kvart verk/arbeid som blir presentert: bilde/video/lyd/tekst, år, medium/teknikk, tittel, lenkje til nettside med lyd- eller videofil.**

Porteføljen skal innehalde dokumentasjon av sjølvstendige kunstnariske verk/utviklingsarbeid. Dokumentasjonen kan vere visuell, skriftleg eller i ei anna relevant form. Du vel sjølv kva du ønskjer å dokumentere, relatert til søknaden din.

- Porteføljen skal sendast inn som eitt dokument (PDF) med opptil 10 sider. Gi fila namnet «Etternamn\_Fornamn\_Portefølje.pdf» (max. 15 MB). Du kan søkje med inntil 10 verk (inkludert tekstverk, video og lyd), fordelt på maksimalt 10 sider. Det blir anbefalt å presentere eitt verk/arbeid per side.

Vidare krav til materialet:

Ein kan søkje med både bilde, tekst, video- og lydfiler. I porteføljen presenterer du video- og lydfiler med eit skjermbilde, tekst og ei fungerende lenkje til nettsida der video-/lydfila kan visast. Video- og lydfiler må lastast opp for eksempel på di eiga nettside, Vimeo, Youtube eller liknande. Hugs å inkludere lenkja til nettsida der video-/lydfila kan visast, i porteføljen. Du er sjølv ansvarleg for å sikre at lenkja/URL fungerer og er korrekt, at nettsida kan opnast, og at arbeida kan visast i ein standard nettlesar.

I søknader som inneheld både video- og lydfiler, kan ikkje lengda på kvar video-/lydfil gå over tre minutt. Video- og lydfiler som går over grensa på tre minutt, blir ikkje presenterte for opptakskomitéen.

## Sjekkliste



Eg har lasta opp følgjande dokument i SøknadsWeb (set kryss):

| Kryss av | Dokument                                      | Filnamn                                           | Format |
|----------|-----------------------------------------------|---------------------------------------------------|--------|
|          | Søknadsvedlegg (dette dokumentet)             | <i>BFK2019-soknadsvedlegg.pdf</i>                 | PDF    |
|          | Dokumentasjon av GSK                          | <i>Vitnemål-GSK.pdf</i>                           | PDF    |
|          | Dokumentasjon av norskkunnskapar              | <i>Norsk.pdf</i>                                  | PDF    |
|          | Dokumentasjon av engelskkunnskapar            | <i>Engelsk.pdf</i>                                | PDF    |
|          | Eit representativt portrettbilde av deg sjølv | <i>Portrett.jpg</i>                               | JPEG   |
|          | CV                                            | <i>CV.pdf</i>                                     | PDF    |
|          | Portefølje                                    | <i>Etternamn_Fornamn_Portefølj<br/>e.pdf</i>      | PDF    |
|          | Motivasjonsbrev                               | <i>Etternamn_Fornamn_Motivasj<br/>onsbrev.pdf</i> | PDF    |

### Opptaksprøve

Opptaksprøven skal vere i veke 23, i perioden 3.–7. juni. Søkjarar som blir innkalla til opptaksprøve, får beskjed om det i veke 20 eller 21. Søkjarar som får tilbod om studieplass på bachelorprogrammet i bildekunst, får tilbodet publisert i SøknadsWeb i veke 26. Tilbod om studieplass/venteliste blir òg sendt på e-post.